

# Disposiziuns executivas tier la lescha davart la dismessa da rumians

## Art. 1

Per simplificar l'allontanaziun da rumians sa la vischnaunca installar ella zona habitada plazs da rimnada centrals (suostas per rumians, containers). Ils habitonts ed ils hosps che stattan el conuorn da tals loghens da rimnada ein obligai da deponer leu ils rumians.

## Art. 2

La vischnaunca mantegn sper il luvratori Pardanal deposits per:

- pupi
- fier veder
- battarias
- aluminium
- ieli vegl
- veider

En loghens decentralisai stattan a disposiziun deposits per ils suandonts materials:

- veider
- aluminium

Sche organisaziuns privatas (p. ex. uniuns) prestan survetschs en connex cun l'allontanaziun da rumians reutilisabels, sa la vischnaunca indemnisar quellas commensuradamein.

## Art. 3

Vanzadiras reutilisablas d'ustrias e cuschinas da hotels ston vegnir surdadas en recipients cunvegents al survetsch da rimnada organisaus sin basa privata, nunch'ils purs vegnien per las vanzadiras per perver la biestga.

## Art. 4

Rumians d'iert e vanzadiras da cuschina ein da cumpostar egl agen iert tenor las directivas dallas organisaziuns specialisadas, sche pusseivel. En quaters pli gronds duessen installaziuns da cumpost communablas vegnir eregidas. La vischnaunca metta a disposiziun gratuitamein las brochuras d'informaziun corrispundentas. Sin giavisch cusseglian ils collavuratur digl uffeci da baghegiar davart l'installaziun d'indrezs da cumpost.

### **Art. 5**

Restonzas da material da baghegiar ston vegnir dismissas sepa-  
radamein da material da demoliziun ni da scavament. Sch'ei dat  
sin in plaz da baghegiar omisduas sorts da rumians ei il proprietari  
obligaus da metter a disposiziun duas navettas differentas ni au-  
ters recipients adattai per il transport. Il patrun ei responsabels per  
la dismissa da tut ils rumians che sedattan sil plaz da baghegiar  
conform alla lescha.

### **Art. 6**

En ils containers ch'ei buca surtratgs endadens cun in grond sac  
da plastic astg'ins metter mo sacs da plastic serrai. Ils containers  
astgan mo vegnir emplen aschia ch'igl uvierchel sa aunc vegnir  
serraus dil tuttafatg.

En menaschis cun rumians voluminus ston ins installar pressas  
adattadas per reducir il volumen dils rumians.

Relaschau dalla suprastonza communal da Laax  
ils 15 da fevrer 1990

Il president communal:

*E. B. Hangartner*

Il scarvon communal:

*Augustin Killias*